



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1204. Usque Ad Annum 1230

**Fleury, Claude**

**August. Vind. [u.a.], 1763**

**VD18 90118030**

§. 23. Regnum Hierosolymæ.

---

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

§. XXIII.

*Regnum Hierosolymæ.*

Sæcul. XIII.  
A.C. 1226.

*Sanct. lib. 3.  
p. 11. c. 10.*

*Jord. M.S.  
ap. Rain.  
1226. n. 11. 55*

*Sup. Lib.  
LXXVIII.  
§. 54.*

Porro cur in superiore Epistola Papa du-  
riorem in Regem Hierosolymæ ani-  
mum Imperatori exprobraverit, causam  
repetamus. Postquam Fridericus Regis  
Hierosolymæ filiam conjugem accepit,  
celebratis nuptiis, petiit a patre, ut Re-  
gnum Hierosolymæ, & omnia jura, quæ  
in filiam suam transire possent, sibi tra-  
deret. Audito Imperatoris desiderio  
obstupuit Rex, maxime quod Equitum  
Teutonicorum Magister, fœderum Con-  
ciliator, promississet, se Regnum cum vi-  
ta servaturum esse. Sed quid faceret  
impotens Princeps? nempe cum Impe-  
ratori resistere non valeret, dissimulato  
dolore, egit, quod imperabat necessitas.  
Exinde nullum amplius filialis affectus  
vestigium in Genero deprehendit; quin  
etiam Fridericus Dominum urbis Tyri,  
aliosque Syriæ Equestri Ordinis viros,  
qui Regem Joannem iter facientem co-  
mitabantur, ad dicendum sibi homagium  
compulit. Tum Episcopum Amalfita-  
nam cum duobus Comitibus, & trecen-  
tis Equitibus, ex Regno Siciliæ Aciam  
missum, homagium & juramentum ab  
omnibus Regni Hierosolymitani Vasallis  
suo nomine recipere jussit. Credide-  
runt plerique, indignationis causam ex-  
titisse,

Sæcul. XIII.  
A.C. 1226.

titisse, quod Imperator suspicaretur, Regem Joannem favere juri nepotis sui, Gualterii Briennii, in Regnum Siciliae, ex matre ipsius proficiscenti; erat enim Gualterius ex Regis Tancredi filia genitus. Ceterum Rex Joannes Briennius in Franciam, ejusque nepos Gualterius Romam se se receperunt.

Interea Christianorum rixæ in Palæstina Republicam evertabant. Annis jam abhinc septem S. Sedis Legatus, Pelagius, Episcopus Albanensis, Boemundum, Comitem Tripolitanum, excommunicaverat, quod vi militari Equitibus Hospitalariis Arcem Antiochenam eripuisset, quam eis custodiendam Legatus tradiderat. Idem Comes occupata quadam domo, quam Hospitalarii Tripoli habebant, Equitum unipellem spiranti detrahi, alterumque alio mortis genere perimi, ut alia crudeliter acta prætereamus, jussit. A Legato igitur excommunicatus, confirmata a Summo Pontifice sententia, ipse Censuram sprexit, nec eo adduci potuit, ut pro injuriis illatis satisfaceret, aut ablata restitueret. Misit quidem ad Papam nuncios, qui, positis quibusdam conditionibus, Dominum suum absolvi peterent, addiditque literas commendaticias Fridericus Imperator. Sed Papa cum excommunicatos in conspectum admittit

te e non posset, negotium eos audiendi  
 commisit Hugolino, Episcopo Ostiensi,  
 duobusque aliis Cardinalibus, qui con-  
 ditiones Absolutionis, semper poni soli-  
 tas, expetierunt, videlicet, juraret Co-  
 mes, quod in causa Excommunicationis  
 legibus Ecclesie obtemperaturus esset,  
 & prestaret cautionem, quod damnum  
 passis, illud refarciturus esset. Ista ve-  
 ro nuncii prestare detrectarunt, cum id  
 in mandatis neququam accepissent.

Quare Papa, datis ad Archiepiscopos  
 Nicosie in Cypro, Cæsariensem in Palæ-  
 stina, & Abbatem Montis Oliveti, literis,  
 Excommunicationem, in Comitem Tri-  
 politanum latam, confirmari, ejusque  
 Ditiones Interdicto Ecclesiastico ligari,  
 præcepit. Hæc Epistola die trigesima  
 Januarii, anno millesimo ducentesimo vi-  
 gesimo sexto, data est.

Eadem die Honorius Papa Regulam,  
 quam Albertus Patriarcha Eremicis  
 montis Carmeli servandam obtulerat,  
 approbans præcepit, ut ei fideliter in-  
 hererent, utpote prius conditæ & ac-  
 ceptæ, quam Concilium Lateranense  
 novæ Religionis Institutionem prohi-  
 buisset.

Cum duæ Ecclesie Patriarchales,  
 Antiochena, & Constantinopolitana hoc  
 anno vacassent, Papa, datis literis, Ca-  
 nonicos Antiochenos intra mensem, post  
 Hist. Eccles. Tom. XIX. A a a ac

Secul. XIII.  
 A. C. 1226.

10. ep. 169.  
 Rain. n. 55.  
 56. &c.

Bull. Hon.  
 Sup. lib. 7  
 LXXVI  
 §. 57.

**Sæcul. XIII.** acceptam suam Epistolam, Patriarcham  
**A.C. 1226.** eligere iussit. Constantinopoli Eligen-  
*Rainald.* tes in partes abierunt, quibusdam Epi-  
**1226. n. 59.** scopum Belvacensem, Milonem, patria  
*Gall. Chro.* Nantolientem postulantibus, aliis appella-  
**to. I. p. 128.** tantibus ad Papam, qui, rejecta Postula-  
 tione, Joannem Abbatisvillensem, Ar-  
 chiefiscopum Vefuntinum, ad Sedem  
 Constantinopolitanam vocavit. Sed is  
 moveri non potuit, ut Translationem  
 reciperet.

## §. XXIV.

*Fœdus Longobardicum.*

**Ric. S. Ger.** Fridericus Imperator Festo Paschali,  
 quod hoc anno in diem decimam no-  
 nam Aprilis incidebat, Ravennæ celebra-  
 to, missis nunciis, Henricum Regem, fi-  
 lium suum, in Longobardiam ad se ve-  
 nire iussit, ubi Concilium, seu Comitium  
 solemnium, Cremonæ agenda, ad Festum  
 Pentecostes convocaturus esset. Juve-  
 ni Principi, semper in Germania com-  
 moranti, Imperator parens, Engelberto  
 Archiepiscopo interemto, Moderatorem  
 dederat Ducem Baviaræ, Ludovicum Se-  
 verum, non solum Domus Serenissimæ  
 Caput, sed etiam rebus Imperii in Ger-  
 mania Præfectum. Ergo Henricus, in-  
 genti cinctus exercitu, Tridentum usque  
 penetrat; sed, Veronensibus alpes obli-  
 dentibus, exclusus, in Germaniam re-  
 meare

*Abb. Ursq.*  
**p. 324.**

*Godof. 1226.*